



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEMETLALELETŠO LA BOBEDI (SAL)

LEPHEPHE LA BOBEDI (P2)

DIBATSELA 2022

LIMPOPO

MEPUTSO: 40

NAKO: Diiri tše 1½

Palomoka ya matlakala a dipotšišo ke 4.

DITAELO LE TSHEDIMOŠO

1. Badišiša ditaelo tše ka šedi pele o thoma go araba dipotšišo.
2. Lephephe le le na le KAROLO E TEE fela.
KARALO YA A: Dingwalo (Dikanegelokopana) (40)
3. Araba dipotšišo KA MOKA tša karolo ye.
4. Nomora dikarabo tša gago go swana thwii le ka fao dipotšišo di nomorilwego ka gona.
5. Thoma POTŠIŠO YE NNGWE le YE NNGWE letlakaleng LE LEFSA.
6. Kakanyo mabapi le taolo ya nako:
Šomiša tekano ya metsotso ye e ka bago ye 45 POTŠIŠONG YE NNGWE le YE NNGWE.
7. Ngwala ka bothakga le ka mongwalo wa go balega.

LENANEOTEKOLO

DIKANEGELOKOPANA

KE BOPHELO – SJ Chokoe

NOMORO YA POTŠIŠO	POTŠIŠO	MEPUTSO	NOMORO YA LETLAKALA
1. 'A Ikadietša'	Potšišo ya 1	20	3
2. 'Ya ka mpho še'	Potšišo ya 2	20	4

DINGWALO: DIKANEGELOKOPANA**KE BOPHELO – SJ Chokoe**

Araba dipotšišo KA MOKA.

POTŠIŠO YA 1: 'A IKADIETŠA'

Bala setsopolwa se gomme o arabe dipotšišo tša go se latela.

SETSOPOLWA SA A

Mokgalabje a mo tsenelela ka kubu, a ba a mo wišetša fase. Ka mahlahla le matšato Modibo a kgona go ntšha hlogo ya gagwe segoleng sela, a ja fase. Mokgekolo mmagoModibo šo ka morago ga mokgalabje, ka leswika la nkokonono a re mokgalabje thinthinyane ye (ka fasana ga tsebe) ki! Mokgalabje fase pharakgahlaa!

Maphodisa a fihlile, mokgalabje wa batho o rwelwe o išetšwe sepetlele. Sepetlele go 5
fihlilwe. Manyami, mokgalabje yola ke mogologolo. O swerwe mokgekolo mmago
Modibo, o swerwe o bolaile monna. Morwa o kae?

O bolokilwe mokgalabje, o bolokilwe ke ba gabo. O bolokilwe le ge mosadi le morwa
ba be ba se gona. Go phethegile, o fihlilwe, ba mo hlobogile.

O emaema Modibo, a nyakela mmagwe boramelao. Molato wa go bolaya monna ga se 10
thaka ya motho boramelao ba swanetše go ba ba bararo, ba maemo a godimo. Ba
hweditšwe, bohle ba ikemišeditše go lwela mmagoModibo.

[Letl. 46]

- 1.1 Na ka gaboModibo ba be ba iphediša ka eng? (1)
- 1.2 Mohuta wa tikologo wo o tšwelelago mo ke wa mohuta mang? Fahlela ka dintlha TŠE THARO. (4)
- 1.3 Na mebolelwana yeo e thaletšwego e šupa eng bjalo ka ge e dirišetšwe mo setsopolweng se? (2)
- 1.4 Na mehola ya poledišano ke efe? Efa YE MERARO. (3)
- 1.5 Ka dintlha TŠE PEDI hlaloša seo se diregilego pele ga setsopolwa se. (2)
- 1.6 Bapetša semelo sa mmagoModibo le tatagoModibo go ya ka tsebo ya gago ya kanegelokopana ye. Fahlela karabo ya gago ka dintlha TŠE PEDI o be o thekge ntlha YE NNGWE le YE NNGWE. (4)
- 1.7 Efa molaetša wa kanegelokopana ye. (1)
- 1.8 Go ya ka tsebo ya gago ya kanegelokopana ye na Modibo o feleleditše kae? Efa dintlha TŠE PEDI. (2)
- 1.9 Nyalantšha hlogo ya kanegelokopana ye le diteng tša yona. (1)

[20]

LE

POTŠIŠO YA 2: 'YA KA MPHÓ ŠE'

Bala setsopolwa se gomme o arabe dipotšišo tša go se latela.

SETSOPOLWA SA B

'Ra sepela bjang Temo? A ke re re swanetše go dula matšatši a mararo mo hoteleng ye bjalo ka ge re kgopetše? Bothata ke eng?' 'Ga se selo rato, ke no ba ke gopotše mma kua gae. Ke be ke lebetše gore o rile ke tle ke mo iše garakgadi ka bošego. Ka gore ke mo tshepišitše ke swanetše go ya. Phutha moratiwa re sepele.'

Ke ge go ka thweng? Ba phuthaphuthile baratani ba babedi bale ebile ba šetše ba ikgašitše ga gaboSebotse. O ganelela ka sefatanageng Sebotse, ga a rate go kgaogana le wa pelo ya gagwe. A ka nyaka go arogana nae bjang mola e le yena a mmontšhitšego gore le yena o a kgona? O a gapeletša Temo, hlogo e a duma. Hlogo e dumelang mola a swanetše a thabišwe ke mphufutšo wa phatla ya gagwe? Ke mo go tlogo bophelo le ditselanatselana tša bjona. O ile Temo, o ile gae bowelakalana.

[Letl. 13]

- 2.1 Efa tswalano ya Sebotse le Temo. (1)
- 2.2 Molwantšhwa ke mogale goba mogaleadi wa kanegelokopana. Molwantšhi ke moanegwa yo a lwantšhago mogale goba mogaleadi. Na molwantšhwa le molwantšhi ba kanegelokopana ye ke bomang? Fahlela karabo ya gago ka lebaka la maleba. (4)
- 2.3 Akaretša diteng tša setsopolwa se ka dintlha TŠE PEDI. (2)
- 2.4 Laetša thulano ye e lego gona magareng ga baanegwa ba o be o fe le mohuta wa yona. (2)
- 2.5 Efa morero wa kanegelokopana ye. Hlaloša ka ntlha E TEE. (2)
- 2.6 Ka dintlha TŠE PEDI laetša ponelopele ya gago mabapi le diteng tša setsopolwa se. (2)
- 2.7 Go ya ka tsebo ya gago ya kanegelokopana ye bothata bjo bo lego gona magareng ga baanegwa bo thomile kae? (1)
- 2.8 Hlaloša mebolelwana ye e latelago go ya ka moo e dirišitšwego ka gona setsopolweng se:
- (a) Wa pelo ya gagwe.
- (b) A thabišwe ke mphufutšo wa phatla ya gagwe. (2)
- 2.9 Maikutlo a gago ke afe mabapi le banna ba go tlogela makgarebe ka bana? Fahlela karabo ya gago ka lebaka. (2)
- 2.10 Kanegelokopana e swanetše go fega mmadi. A na mongwadi o atlegile go tšweletša ntlha ye. Fahlela ka mabaka A MABEDI. (2)

[20]**PALOMOKA YA TLHAHLOBO: 40**